

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 13. tačka i) Zakona o zaštiti od požara i vatrogastvu („Službene novine Zeničko-dobojskog kantona“, broj 5/11) i člana 45. Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) i Programa utroška budžetskih sredstava i Plan korištenja sredstava posebne naknade za zaštitu i spašavanje za 2021. godinu u Zeničko-dobojskom kantonu broj: 02-11-6452/21 od 30.04.2021. godine, na prijedlog Kantonalne uprave civilne zaštite, Vlada Zeničko-dobojskog kantona, na 131. sjednici, održanoj dana 24.11.2021. godine, d o n o s i

ODLUKU
o odobravanju sredstava Općini Tešanj
za nabavku vatrogasnog navalnog vozila

Član 1.
(Predmet)

Odobravaju se sredstva Općini Tešanj za nabavku vatrogasnog navalnog vozila za potrebe Službe zaštite od požara u iznosu od 40.000,00 KM (slovima: četrdesethiljada konvertibilnih maraka).

Član 2.
(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615 100 - kapitalni transferi drugim nivoima vlasti, funkcionalna klasifikacija 320 (namjenska sredstva).

Član 3.
(Uplata sredstava)

Sredstva iz člana 1. ove odluke uplatit će se na depozitni račun Općine, a koristit će se za namjene utvrđene u članu 1. ove odluke.

Član 4.
(Izvještavanje)

Zadužuje se Općina Tešanj da izvještaj o utrošku odobrenih sredstava iz člana 1. ove odluke dostavi u roku od 120 dana Kantonalnoj upravi civilne zaštite.

Član 5.
(Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-15723/21
Datum, 24.11.2021. godine
Zenica

PREMIJER

Mirnes Bašić

DOSTAVLJENO:

1x Kantonalna uprava civilne zaštite,
1x Ministarstvo finansija,
1x Općina Tešanj, putem Kantonalne uprave civilne zaštite,
1x „Službene novine Zeničko-dobojskog kantona“,

1x a/a.